

Inatsisartut inatsisaannik nr. 9, 31. oktober 1996-imeersoq kingusinnerusukkullu allannguutitalik Inatsisartunut qinersinermi allanngortitsinissamik Naalakkersuisunut suliassanngortikkumallugu Inatsisartut aalajangiiffigisassaattut siunnersuut, UKA2010 qaangertinnagu Kalaallit Nunaanni Inatsisartut ilaasortaasa 25-iinnangortinneqarnissaannut.

(Demokraatit Inatsisartunut ilaasortaataat)

Akissuteqaat

(Naalakkersuisunut Siulittaasoq)

Siullermeerneqarnera

Inatsisartunut ilaasortat qanoq amerlatigissanersut ukiut ingerlanerini inuiaqatigiinni oqallisigineqartarpoq. Naalakkersuisut isumaqarput, apeqqut aatsaat isummerfigineqarsinnaasoq Inatsisartuni sukumiisumik oqallisigineqareerneratigut. Soorngunalimi amerlanerussuteqartut aalajangigaannik ataqqinnillutik Naalakkersuisut piviusunngortitsiniarumaarput, peqatigisaanilli Naalakkersuisut isumaqarput tamatuminnga oqallisissanngortitsisoq inatsimillu allanngortitsiniartoq tassaasariaqartoq Inatsisartut Siulittaasoqarfia.

Taamaattumik aalajangiiffigisassatut siunnersuut Naalakkersuisut taamatut akissuteqarfigalugu kaammattuutigissavaat pineqartoq oqaluusereqqinneqarnissaa Inatsisartuni nanginneqassasoq.